

HEIDELBERG

HOËRSKOOL

FAKS : (028) 722-2526
TEL : (028) 722-1384
E-Pos : hattieshoof@gmail.com
Web : www.hsheidelberg.co.za



HIGH SCHOOL

P.O. BOX / POSBUS 82
HEIDELBERG
6665

GODSDIENSBELEID VAN HOËRSKOOL HEIDELBERG

Aanhef

Hierdie dokument is die godsdienstbeleid van en reëls vir godsdienstbeoefening by Hoërskool Heidelberg, soos die beheerliggaam dit op (datum) goedgekeur het. Die godsdienstbeleid en -reëls erken die fundamentele waardes wat in die Grondwet van die Republiek van Suid-Afrika, 1996; die toepaslike bepalings van die Suid-Afrikaanse Skolewet 84 van 1996 ("die Skolewet"), en ander tersaaklike provinsiale wetgewing vervat word.

Artikel 15(1) van die Grondwet bepaal dat elke persoon die reg het op vryheid van gewete, godsdienst, denke, oortuiging en mening.

Artikel 15(2) bepaal voorts dat godsdienstbeoefening by staats- of staatsondersteunde instellings kan geskied, mits:

- (a) sodanige beoefening die reëls nakom wat deur die tersaaklike openbare owerheid neergelê is;
- (b) dit op 'n billike grondslag geskied; en
- (c) bywoning daarvan vry en vrywillig is.

Hoërskool Heidelberg erken dat (a) bogenoemde regte nie absoluut is nie en deur artikel 36 van die Grondwet beperk kan word, en (b) sodanige regte inderdaad beperk is deur 'n hofbevel wat dit as strydig met artikel 7 van die Skolewet verklaar het vir 'n openbare skool om (i) die skool te bevorder of deur sy personeel te laat bevorder as 'n instansie wat 'n enkele of hoofsaaklik 'n enkele godsdienst tot uitsluiting van 'n ander aanhang, en

(ii) hom uit te gee as 'n instansie wat die belange van enige bepaalde godsdiens bo 'n ander bevorder.¹

Daarbenewens erken die skool dat regters van die hoogste hof in die land soos volg bevind het:

- “[F]or equitable offerings ... education authorities [should] ... allow schools to offer the prayers that may be most appropriate for a particular school, to have that decision taken in an equitable manner applicable to all schools, and to oblige them to do so in a way which does not give rise to indirect coercion of the ‘non-believers’ ...
- Requiring that government act even-handedly does not demand a commitment to a scrupulous secularism, or a commitment to complete neutrality ... [F]or example, in the context of religious observances at local schools, the requirement of equity may dictate that the religious observances held should reflect, if possible, the religious beliefs of that particular community or group.”

Hoewel die Nasionale Godsdiensbeleid nie-bindend is, het die skool die inhoud daarvan in ag geneem in die ontwikkeling van hierdie skoolspesifieke beleid en reëls.

Artikel 7 van die Skolewet verleen aan die beheerliggaam die mag om die reëls te bepaal ingevolge waarvan godsdiensbeoefening moet geskied. Hierdie mag is onderworpe aan die Grondwet en enige ander toepaslike provinsiale wetgewing. Godsdiensbeoefening moet op 'n gelyke grondslag geskied, en opvoeders en leerders se bywoning moet vrywillig wees.

Op grond van bogenoemde het die beheerliggaam van Hoërskool Heidelberg hierdie godsdiensbeleid en -reëls met behoorlike inagneming van die godsdienstige samestelling van die skool en die praktiese uitvoerbaarheid van voorsiening vir verskillende geloofsgemeenskappe saamgestel.

¹ *Organisasie vir Godsdienste-onderrig en Demokrasie v Laerskool Randhart and others* (Gauteng High Court case no. 29847/14).

Die skool verwelkom alle leerders, ongeag hulle individuele godsdienstige oortuigings, en sal geleenthede probeer skep vir die beoefening van sodanige oortuigings op alle redelike tye, hetsy as 'n groep of op 'n individuele grondslag, soos dieetvereistes of die bywoning van godsdienstbeoefening buite die skool.

Hoërskool Heidelberg onderneem om toe te sien dat elke verteenwoordigende godsdienst by die skool op gelyke grondslag hanteer en godsdienstige diversiteit bevorder word.

Woordoms krywing

'Godsdienst' verwys na die omvattende en fundamentele oriëntasies in die wêreld, met bepaalde verwysing na heilige, spirituele en nie-sekulêre oortuigings; vereis toewyding; sluit georganiseerde vorme van geloof en sekere wêreldbeskouinge in, en word ook kollektief gebruik om na daardie organisasies te verwys wat opgerig is ten einde hierdie oortuigings te beskerm en te bevorder.

'Godsdienste onderrig' verwys na 'n kurrikulêre program met duidelike en ouderdomsverwante opvoedkundige doelwitte wat vir die onderrig en leer van godsdienst, godsdienste en godsdienstige diversiteit in Suid-Afrika en die wêreld deur die Departement van Onderwys voorgeskryf word. Die studie van godsdienst moet ten doel hê om herkenbare opvoedkundige doelwitte te bereik wat in ooreenstemming is met die doelwitte en uitkomst van ander leerareas, en programme in Godsdienste onderrig moet, soos ander leerareas in die kurrikulum, tot die ontwikkeling van grondliggende waarnemings-, luister-, lees-, skryf- en denkvaardighede bydra.

'Godsdienste onderrig' verwys na 'n program met inligting oor 'n bepaalde godsdienst wat ten doel het om navolging van daardie bepaalde godsdienst te bevorder. Die beheerliggaam beskou die huisgesin en geloofsgemeenskap as die hoofvoorsieners van godsdienste onderrig. Die skool is 'n opvoedkundige instelling wat nie een godsdienst bo 'n ander bevorder nie, en dus maak godsdienste onderrig nie deel uit van die formele

skoolprogram nie. Die skool sal egter wél sy geriewe vir sodanige programme beskikbaar stel, met dien verstande dat godsdiensoonderrig nie met die formele opvoedkundige doelwitte van die skool inmeng nie.

‘Godsdiensoefening’ dui op daardie aktiwiteite of optrede wat aan die waardes van ’n bepaalde geloof of oortuiging uiting gee, en sluit onder andere bidure, voorlesing uit heilige geskrifte, kleredrag en diëte in. Godsdiensoefening kan op die volgende maniere geskied:

- Vrywillige, openbare geleentheid waar die skool se geriewe vir die doel van godsdiensoefening gebruik word
- Vrywillige geleentheid (in skooltyd) deur die skoolgemeenskap (leerders en opvoeders)
- Vrywillige geleentheid in gewone of ander pouses by die skool

Godsdiensoefening

Omdat Hoërskool Heidelberg die waardes in die Handves van Regte erken en eerbiedig, verseker die beheerliggaam dat die oefening van alle godsdienste gerespekteer en so ver redelikerwys uitvoerbaar op ’n gelyke grondslag voor voorsiening gemaak sal word.

Opvoeders en leerders sal georganiseerde godsdiensoefening byeenkomste by die skool vrywillig kan bywoon. Die skool sal opvoeders of leerders geensins verplig om aan godsdienstige aktiwiteite deel te neem nie. Alternatiewe reëlins sal getref word vir toesig oor leerders wat nié die godsdiensoefening wil bywoon wat vir godsdienstige groeperinge aangebied word nie.

Godsdiensteonderrig sal ooreenkomstig die Nasionale Beleid oor Godsdienste en Onderwys geskied. Dié onderrig maak deel uit van die leerarea Lewensoriëntering. Die skool neem kennis dat die kurrikulum sy leerders aan ál die vernaamste godsdienste in Suid-Afrika blootstel.

Geen opvoeder sal verplig word om godsdiensteonderrig te gee nie.

Hoërskool Heidelberg sal sy geriewe vir godsdienstebeoefening deur enige verteenwoordigende geloofsgroep in die skool beskikbaar stel. Sodanige beoefening mag slegs geskied terwyl ander godsdienstebeoefening ooreenkomstig die godsdienstebeleid plaasvind. Geen godsdienstebeoefening mag op die formele opvoedkundige doelwitte van die skool inbreuk maak nie, en alle godsdienstebeoefening is onderworpe aan voorwaardes wat die beheerliggaam kan opleë.

Die skool sal so ver dit redelikerwys uitvoerbaar is begrip en respek vir godsdienstige diversiteit bevorder en uitbou.

Praktiese toepassing van godsdienste in Hoërskool Heidelberg

Hoërskool Heidelberg se leerders verteenwoordig 'n verskeidenheid kulture asook gelowe. Aangesien die meerderheid van die leerders en personeel Christene is, word daar erkenning gegee aan die Drie-Enige God as Koning in ons skool!

DAAGLIKSE GODSDIENSTEBOEFENING

Soggens word daar in die personeelkamer, asook by die aanvang van die 1ste periode met skriflesing en gebed geopen. Die opening soggens in die 1ste periode duur tot hoogstens 07:50. Geen interkom-aankondigings mag voor 07:50 gemaak word nie.

SAALBYEENKOMSTE

Die skoolhoof, personeel (wat uit vrye wil aanbied), VRL en Klaskapteine, VCSV leiers, NG en VGK Predikante, Mnr Bennie Meyer en geestelike leiers van ander denominasies word gebruik om openinge en tydens spesiale geleenthede die godsdienste gedeelte waar te neem. Die Beheerliggaam hersien jaarliks die lys van goedgekeurde persone wat tydens saalbyeenkomste die godsdienste mag waarneem.

VCSV

Die Verenigde Christen Studente Vereniging (VCSV) vergader weekliks. Leerders wat graag op 'n lekker informele wyse rondom die Woord van God wil kuier, skakel vrywillig hierby in. Daar word saam gesing en saam oor aktuele kwessies gesels.

SPREKERS

Geleentheidsprekers oor aktuele onderwerpe met 'n geestelike onderbou, word genooi na aanleiding van behoeftes wat geïdentifiseer word. Die Beheerliggaam sal vooraf die onderwerp, spreker, tydsduur en formaat goedkeur.

JEUGGROEPBESOEKE

Jeuggroepe wat geestelike waardes en norme uitdra, se besoeke word verwelkom in ons skool, met die goedkeuring van die Beheerliggaam.

HEMELVAART

Die SBL sal jaarliks oorweging skenk aan die formaat van die hemelvaartviering met dien verstande dat dit 'n skooldag sal wees. Die reg van die ouer word gerespekteer wat sy kind tuis sou wou hou (met 'n afwesigheidsbrief). Leerders wat na kerkdienste sou wou gaan, se ouers kan hulle kom uitteken volgens die uittekenprosedure van die skool.

DIVERSE GODSDIENSTIGE BYEENKOMSTE VAN KERKLIKE DENOMINASIES

Die reg van die ouer word gerespekteer wat sy kind na kerkdienste sou wou neem soos biddae, dankdae, ens. Die ouer moet die kind kom uitteken volgens die uittekenprosedure van die skool.

WêRELDBIDDAG VIR VROUE, BIDDAE VIR REËN EN DANKDIENSTE

Leerders wat na kerkdienste sou wou gaan, se ouers kan hulle kom uitteken volgens die uittekenprosedure van die skool.

Deelname en klagtes

Die beheerliggaam nooi alle leerders en hulle ouers om die skoolhoof of die beheerliggaam te raadpleeg indien geen voorsiening gemaak word vir die beoefening van hulle spesifieke godsdienstige oortuigings in die skool nie. Die skoolbeheerliggaam sal so ver dit prakties uitvoerbaar is geriewe en geleenthede voorsien vir die beoefening van hierdie godsdienstige praktyke in dieselfde mate as dié wat vir ander godsdienste by die skool voorsien word. Die vasstelling van sodanige geleenthede sal geskied in oorleg met daardie leerders, ouers en die godsdienstige gemeenskappe waartoe hulle behoort.

Indien enige onderwyser, leerder en/of ouer 'n gewetensbeswaar het teen die beoefening van sekere godsdienstige praktyke in die skool, of voel dat deelname aan sekere praktyke nie vrywillig is nie, word hulle versoek om dit onder die beheerliggaam se aandag te bring.

Geteken te _____ op hierdie _____ dag van _____

	<u>Naam en Van</u>	<u>Handtekening</u>
Voorsitter:	B.C. Meyer	_____
Ondervoorsitter:	B. Coetzee	_____
Skoolhoof:	HJ Eygelaar	_____
Sekretaresse:	A. Keyser	_____
Tesourier	J.F. Saayman	_____

Opvoeder: C.M. Williams _____

Opvoeder: M. M. Conradie _____

Ouer: W.J. Cronjé _____

Ouer: A.S. Swart _____

Ouer: P. Stiglingh _____

Ouer: E. Moodie _____